

প্রকাশ : ১২ এপ্রিল, ২০১৬ ০৮:২৫

১৬ দিন পর ফিরল তনুর ভাইয়ের বন্ধু সোহাগ

কুমিল্লা ভিক্টোরিয়া কলেজ ছাত্রী সোহাগী জাহান তনুর ভাই আনোয়ার হোসেনের বন্ধু মিজানুর রহমান সোহাগ (২১) ফিরে এসেছেন। ১৬ দিন পর তিনি বাড়ি ফিরেছেন। মঙ্গলবার ভোর ৬টায় তাকে তার বাড়ির পাশের নাজিরা বাজার সাকুরা সিএনজি ফিলিং স্টেশনের নিকট থেকে উদ্ধার করা হয়।

সোহাগ কোথায় ছিল সে বিষয়ে কিছু বলেনি। সে শুধু বলেছে আমি ভালো আছি, ঠিকমত খাবার খেতে পেরেছি। সোহাগের ফিরে আসায় পরিবারে খুশির জোয়ার বয়ে যাচ্ছে।

সোহাগের বাবা নুরুল ইসলাম জানান, ২৭ মার্চ রাত দেড়টায় সাদা পোশাকে প্রশাসনের লোক পরিচয়ে সোহাগকে তুলে নিয়ে যায়। এ ব্যাপারে তিনি ৩০ মার্চ বুড়িচং থানায় সাধারণ ডায়রি করেন। তিনি বলেন, তনু হত্যার খবর টিভিতে দেখে তনুর ভাই তার বন্ধু বলে দাবি করে সোহাগ। এরপর সোহাগ এলাকায় তনু হত্যাকাণ্ডের বিচার চেয়ে বিক্ষোভ করে। এসব অভিযোগে তার ছেলেকে র্যাব তুলে নিয়ে গেছে বলে মনে করেন নুরুল ইসলাম।